

Aruba lo ricibi un aerolinea mas

Southwest Airlines a anuncia su plannan pa bula pa Caribe cuminsando dia 1 di juli



ORANJESTAD/DALLAS – E noticia aki ta uno positivo pa nos turismo, awo cu un aerolinea grandi, manera Southwest Airlines, lo bin Aruba durante zomer. Tanto Los Angeles Times, Dallas Morning News y tambe CBS, a anuncia esaki dialuna, cu e aerolinea aki lo bandona e espacio aereo Mericano na Juli cu vuelonan pa tres destinacion Caribeense durante e temporada di biahe den zomer.

E movicion aki haci pa e aerolinea cu su base na Dallas tabata algo di spera, ya cu Southwest a adkiri AirTran Airways na 2011. AirTran caba ta sirbi destinacionnan na Mexico y Caribe.

PROME VUELONAN

E prome vuelo di Southwest pa Aruba, Montego Bay, Jamaica y Nassau, Bahamas, lo sali for di Atlanta, Baltimore/Washington DC y Orlando. Pa fin di e aña, oficialnan di Southwest a bisa cu nan tin plan di sirbi 96 destinacion den seis pais, incluyendo tur e stopnan internacional cu ta wordo sirbi pa AirTran.

META DI SOUTHWEST

“Southwest Airlines a democratiza shelo pa nos prome vuelonan mas di cuater decada pasa,” Gary Kelly, presidente y ehecutivo principal di e aero-

linea, a bisa. “E meta di awendia ta capacita nos pa alcansa teritorionan nobo, consumidornan nobo y construi riba un fundeshi di cuater decada di haci lo corecto pa e biahero, kende ta confia nos balor y nos hendenan.”

ENTRENAMIENTO Y EKIPONAN ADICIONAL
Pa bula avionnan di Southwest pa destinacionnan internacional, ta rekeri entrenamento y ekipo adicional. Por ehempel, reglanan federal ta rekeri cu e avionnan cu ta bula distancia largo riba awa, pa ekipa e sientanan di pasahero cu articulonnan di flota. Hopi di e avionnan di Southwest cu ta bula rutan domesticas no ta inclui tal articulonnan.

4 VUELO Y 638

ASIENTO PA ARUBA

Aruba Tourism Authority tambe a reacciona riba esaki, di ta sumamente contento cu e bon noticia aki. Myrna Jansen como representante di Minister Otmar Oduber, Jo-Anne Arends, Head Airline Marketing di AAA y Ronella Tjin Asjoe-Croes tabatin un encuentro cu prensa pa papia riba e bon noticia cu Southwest lo cuminsa bula pa Aruba entrante juli 2014.

Di e forma aki Aruba ta bira un di e prome paisnan pa cual

Southwest ta cuminsa bula riba nivel internacional.

PORTFOLIO

Dunando un splicacion di e desaroyo positivo aki, Sra. Jansen a indica cu na 2009 Minister Oduber hunto cu un delegacion di ATA, AHATA y AAA a bialha y bishita Southwest. E mandatario tabata convenci for di e tempo ey cu Southwest mester bira parti di e portfolio di aerolinea cu ta bishita Aruba. Esaki mirando cu nos isla ta wordo bishita dor di e compa-

niario di Southwest.

ELEVA TURISMO

Myrna Jansen ta splica cu conta cu Southwest den nos portfolio di aerolinea ta contribui na eleva e producto turistico y tambe ta spera cu e calidad di turismo sigui aumenta, algo cu ta parti di maneho di Ministerio di Turismo.

AAA CONTENTO Y SATISFECHO

Jo-Anne Arends di AAA a indica cu nan ta sumamente contento y satisfecho pa cu

entrada nobo pa Aruba.

UNION

Ronella Tjin Asjoe-Croes a duna di conoce cu Southwest/AirTran a pasa den un union y diferente cambionan y Southwest a dicidi cu desde awor en adelanta bula bou di e number Southwest mientras cu AirTran lo tin su cambionan tambe y poco poco lo ta saliendo for di mercado.

E noticia aki a wordo notifica na ATA dos siman pasa ora nan a reuni cu delegadonan di e compania.

NA BENEFICIO DI ARUBA

CEO di ATA ta indica cu ta un honor y satisfaccion pa Aruba wordo eligi como un di e prome rutan internacional pa e compania aki cu ta hopi fuerte den vuelo domestico na Merca.

Tur e conexiornan cu nan tin na Merca sigur lo beneficia Aruba grandemente.

RUTANAN DEN EXPANSION

Bayendo den mas detaye, Ronella Tjin Asjoe a bisa cu e rutan existente y cu lo wordo expande na juli a yuda Aruba den e resultado pa cu e region West/ Mid West entre otro, cual ta regionnan cu a muestra crecimiento aña pasa y ta trata di un representacion di mas o menos 20% di lo cual nos isla ta atrae for di mercado Mericano.

CONTRIBUCION NA DIVERSIFICACION

E adelanto aki por contribui na un diversificacion di nos mercado turistico den Merca mes caminda cu lo por atrae por ehempel un region oost cu ta conta cu un poblacion hopi fuente y cu por representa e calidad di bishitante cu nos kier mira mas y mas na nos isla. □



nianan di mas grandi y tabata falta Southwest, cual ta esun di mas grandi di low cost carriers cu semper tabata den un bon posicion financiero tambe.

A KEDA CU CONTACTO
E tempo ey ya caba AirTran tabata bulando pa Aruba den un forma limita y despues di e negociacionnan di e tempo ey, e aerolinea aki a subi su vuelonan pa Aruba. Ministerio di Turismo, AAA y ATA a keda semper den contacto cu Southwest pa purba convence nan pa bin Aruba, lo cual awor a bira un realidad.

JULI

Southwest ta cuminsa bula pa Aruba cuminsando na juli manera menciona caba y lo tin un total di 15 vuelo semanal, 4 mas di e cantidad di vuelonan cu nos tin na e momentonan aki cu AirTran cu ta un subsid-

e crecimiento aki di 11 pa 15 vuelo semanal, es decir un total di 4 vuelo adicional.

E cambionan ta bira e siguiente: Orlando ta pasa di dos vuelo pa un vuelo pa siman, Atlanta ta pasa di cuatro vuelo pa siman pa vuelonan diario y Baltimore ta pasa di cinco vuelo pa siman pa vuelonan diario. Ta trata aki di un total di 638 stoel adicional pa siman pa Aruba.

AIRTRAN: UN PARTNER FUERTE

Jo-Anne Arends ta bisa cu AirTran durante 4 aña tabata un partner hopi fuerte cu un market share di casi 11% y a sa di transporta 64 mil pasahero pa aña.

El a bisa tambe cu den luna di februari nan lo reuni cu Southwest/AirTran y cu no ta descartar mas expansion pa e añanan cu ta bin, ademas di porta di